


岳東海先生文稿

上篇 六七

16
740
4



16
740
4



岳東海先生文稿上篇卷之六

三河 岳 融子陽著

東都 日澤再成季功輯

傲古樂府

白雲謠

白雲在天翩翩不休
遊將東歸山川悠悠
將子勿忘猶復來遊

瑶池謠

白雲其紛亦復而野
遊皇萬民三年見汝

東海稿上篇卷之六 宇上 守津貞董書

明治
月 年
日 號

白雲越人歌
昔翰之舟兮濟新波邂逅王子兮奈之何心說君兮
下中流君不知兮我苦愁江有沚兮沚有繁蒙詎耻
兮獨說君

悲愁歌

吾家嫁我兮天一涯遠託烏孫兮居檀帷胡地茫茫
兮穹廬移顧視四方兮無定時日出是東兮月入西
南望故鄉兮傷且悲

武溪深行

湯湯武溪深如綠獸來不飲魚不能觸奈何溪水兮
多淫毒

鳥生

烏將八九雛羅列秦氏桑樹中惜我秦氏隣亦有無
賴客工用烏號明月彫弓日出東南隅關弓安言烏
雌雄惜我一發即中烏兩雛毛羽何落紛紛隨風阿
母忽悲鳴時乃雛魂飛上蒼穹惜我烏止遶迤深宮
屋人民能自九門通玄豹乃在南山霧雨中貴者尚
復得服其皮惜我滄海雀乍合乍開網羅尚復得設

施之神龍之靈乃在江漢中昔人尚得食其肉啗我
人民祿命各在天賢聖亦不得為盈編

君子行

君子慎施行常在幾微間塊土知成山涓滴知成淵
搖搖風將至綿綿網將連履仁積小德至大身自安
尼父奸諸侯車轍及荆蠻優游居亂世天下慕聖賢

豔歌行

鬱鬱山上栢年壽不可知下臨千尋谷上與蒼天齊
大匠持繩墨眇眇立徘徊人徒持斧斤白柿飛東西

助我者何少截我者何多須臾以顛倒枝根長別離
送之至長安觀者何若蟻長安宮已成栢樹其來遲
再成復何日竟無能所施弃捐蒙霜露歲月徒相移
昔為山上栢今為朽蠹材

苦寒行

北陲長城塞危哉道大難曾冰何峨峨人馬為摧殘
四面玄雲結曠野何蕭然前跋豺狼胡後聽虎豹歎
北風何慘慄切肌入脾肝飛雪蔽天下重積忽為山
我心悵東顧歸思何緜連回車求故路東西惑流還

彷徨日已晚，栖病不時安。疲勞終蹙迫，解輪樹木間。
寒對濕薪火，饑待鑿冰餐。自古行役人，辛苦誠萬端。
白馬篇
白馬飾紫韁，蹀躞出長楊。自言燕趙客，今為羽林郎。
宿昔去鄉邑，少小在漁陽。腰中三尺劍，俛仰何低昂。
攬弓控長箭，馬蹄散回風。左發雙兔連，騰虎右刃傷。
捷巧萬方起，勇氣縱橫揚。胡虜度沙漠，遷移犯邊疆。
飛候自北來，驅馬逐星芒。遠蹈單于庭，一顧拂帶方。
投身矢刃間，征夫職所當。封侯安可言，不懷父與兄。

顧軀非壯士，報恩期國傷。義分方在己，其他忽如忘。
君子有所思行
驅車上南山，顧瞻望城闕。崇牖何逶迤，層臺隱日月。
芳帷動風遼，綺錢停雲結。成山一何工，清川迴出沒。
輦車結西園，旌蓋駐東室。遂開長夜宴，華燈方星列。
旨酒如河流，珍肴漫張設。萬舞連朱顏，清歌飛白雪。
歡娛常良辰，安知人苦疾。善哉君子人，平居非此物。
雖慣梁肉甘，羨彼負鼎烈。
獨漉篇

獨漉獨漉可以濯足待其水清何時濯纓翩翩鴻鵠
摩天經過我欲隨汝奈無翼何萍草浮浮寄生波流
或開或合不知所由虎被羊皮斑斑誰知素衣爲緇
皎皎自疑空堂彈琴安得知音吾道窮已徒以悲吟
龍欲升天出自深淵失雲中路視蟻爲賢

子夜歌三十首

十五懷春情深閨共相語子夜盛華年懷春復何許
歸來正斷腸道逢好兒郎白面復傅粉行步發微香
旨酒不甘口嬌絃不入耳聊有歡愛情已作煩冤思

問我何所憶安有顛顛色欲無傍人知華容不可得
妖冶天所爲脂紛人所爲宛然得雙絕誰能不相思
映戶乍不前褰帷復欲進含羞面發紅笑靨開未盡
豔歌倚嬌絃宛轉出朱唇一唱同心曲回眸流情人
雙杯持勸儂輒發桃花容體中熱如燬開窗當涼風
空豔初春花相看已言好許時兩心同今夕就郎抱
碧樓辭夜月繡簾捲朝雲轉盼雙玉枕踟躕曳羅裙
機中織鴛鴦羅列七十二裁爲合歡襦行行皆留意
玉釵芙蓉髻紅紛桃李顏不喜他郎賞天地但有歡

東海集 卷之六 五
非但我所稱皆言阿郎殊常恐復多情爲他結羅裾
遙聞采蓮歌思誰乘素舸知是就江風芙蓉水中墮
自言無誓違心如雲間月底爲就他儂高堂燈火滅
中夜開門去分明是負儂晨來雖三喚那頓出前窻
頭上同心釵文彩雙蓮花遺我常被服夙昔病誰家
郎身但在茲中心在何處譬如蘭蕙花芳是逐風去
蘭蕙比君情秋風爲傾倒松柏比儂心歲寒足相保
赫赫天有日的的我有心郎來罷唐突復發淑媚音
春日攜手遊秋夜攜手遊唯令花月在看儂出遊不

中庭生綠草可憐皆結子結子不看花恐儂復相似
送歡江津灣延佇不能返帆逐千里風一去雲中遠
相思復相思所思了底爲與郎昨日別會面未有期
雙雙梁上燕巢成乳嬌兒憐兒俱在側不能獨遠飛
春風亦離別秋風亦離別在傍竟幾何誰不生石闕
信使通殷勤書疏數知聞雖云恩情重不如一見君
千里告會期淺立帷幌下卷舒如人來風颺亦誤我
登樓望所歡遙看已相識倚反著衣裳曾在機中織
男兒亦復多女兒不思他一結竟纏繞聽我子夜歌

子夜四時歌
不覺此言
春歌五首
蘇詩集卷之六

桃李花飄姚折枝欲遺誰春日十五六定知有所思
珂峨翠雲鬢雙髻如蟬翼新花羞好顏到頭奪春色
陽春二三月相將逐戲謔共有桃花妝獨入豔郎目
綺帳低新風宛轉阿郎懷不管春光到芬芳滿舉體
繡帶曳桂林窈窕步明月春風含芳流春露含豔結
夏歌五首
羅帷故自輕今日不飄颺婉伸華簟上喚儂汲寒漿

高樓開四窻自由取遠風香巾聊離手含笑攬抱儂
朱李隨波沒黃瓜隨波出一日戲水濱聊忘三夏熱
夏日隨所歡遊冶出前渚顧儂指芙蓉言是能如汝
雙鸞紅羅帳交龍金鏤牀昔思秋夜短今思夏夜長

秋歌五首

秋月舒素光我心隨千里何時忘長宵獨取綺窻裡
躡履步行露仰戴星月光徘徊累終夕何處止我郎
高秋八九月涼飈吹牀幃空局思遠道低頭縫寒衣
哀鴈鳴洲渚寒蟲吟戶壁歡來變人情蕭條復何適

朝摘蘭蕙花暮摘蘭蕙花盈是懷袖裡願郎憐儂多

冬歌五首

寒風日夜吹凝結玉池水凜然感雙情願歡長不解
悲風振林薄嚴霜塗塔庭草木餘松栢得令知我情
暫出向枯草中有同心草兩兩死不離君心何足道
空牀身如水自顧抱重衾池上雙鴛鴦無復苦寒心
素雪積且深千里覆草樹皎皎雖可憐懼絕郎來路

前溪歌四首

黃葛同心草百纏共相依斷枝生復結斷根死不離

朝去度前溪暮來度前溪溪水冷徹骨儂只入君懷
朝出獨桑道暮出獨桑道日出望郎歸秋風流百草
華容空就老

黃葛蔓如絲春風吹可亂日長如綆繫那為春風斷
斷亦不復散

三洲歌三首

大編象牙檣所歡居上頭張帆千餘幅所歡游江流
歡自揚洲來相迎板橋灣言儂不思歡顛顛見容顏
十五已當壚三十能賣酒從郎來三洲聊且得懷抱

十五丁督護歌二首
督護北征去何時孟津度徘徊戎馬間願莫失歸路
洛陽千里外浮雲不見山千回登樓望底爲見所歡

行路難

君不見飛蓬野中發隨風千里越今我流離遠故鄉
歸心獨懸雲間月盛年如削逐流陰青銅鏡裡垂白
髮此事絲絲結肝腸萬方欲絕不能絕十千日費東
家酒狂醉憂思欲少歇行路難行路難牀頭尊盡可
奈何游子向誰借酒錢

秋夜長

秋夜長不知秋夜長極宴看天旭輒作月出光

思公子

春江草萋萋秋山木蕭蕭他鄉復自見王孫歸意遙

估客樂二首

聞歡發揚州日出梅根渚所歡從艚上見儂遙相語
張帆受江風相逐入江口長檣百幅帆所歡何在後

烏栖曲四首

誰家女兒玉顏容二七初春當前窻素帶同心未可

結夜隔疎簾，拜新月。
兩頰如花腰似柳，青黛拂眉朱注口。回眸留賓當壚，
邊沽酒誰能須數錢。
九華寶燭照朱堂，風吹羅帳起飄颻。紅裙素足聊相
見，豔郎多情駐步眇。
南窗北牖葳蕤鑰，一夜雙枕守空局。錦衣繡裳連理
文心隨暮雨，亂朝雲。

五言古詩

倣古詩十九首

去去復去去，與君日相違。朝涉長河曲，夕過遠山阿。
還顧客行子，形影獨徘徊。游魚潛深水，飛鳥翔故棲。
歡笑聊無至，憂愁聊無止。飄風吹孤蓬，歸心徒在己。
回轉萬里餘，相隔如天地。隨時愛春華，待君識察此。
夭夭桃李枝，習習東風起。粲粲宕子妻，灼灼照閭里。
筑筑守空房，依依常回視。帷幌隨風颺，思君來于此。
三歲已棄捐，賤妾心尚爾。
澹澹水上萍，飄飄隨波傾。人無知旦夕，百年復忽征。
眷然良無為，歡心常難盈。飛輪馳逸足，行游入西京。

京邑何佳麗宮闕殊百城玉軒竟廣路輕蓋互相經
第宅紛交錯高門控群英娛樂長夜飲何由發哀情
置酒會所歡游娛屬今旦弦歌厲新聲宮商紛不亂
知音因相和一唱俱三歎中曲何沈吟未能忘憂患
宿昔跂高真延頸鼓柔翰俯仰丁年過皓首居鄙賤
觀彼人間世一舉何登踐

高堂處中央東西夾兩廂路通而難至重關九似墻
中有絲桐曲長歌與激揚不知彈者誰能為此樂方
急響生促柱亮節多清商中懷何忼慨音聲悲且傷

高唱時不聽世耳久不良感念重華逝無因來鳳凰
上山采申椒馨香握中出願欲貽遠人衆芳長不滅
一心兩相堅亮如膠與漆離居踰十年竊疑君再絕
昊天肅且高明星疎列陳歲月更相變忽至寒涼辰
烈風激喬樹枝葉日以分鴻鴈逝南游野蟲吟草間
我友生羽翼翻飛翔青雲昔為兄與弟今為道路人
匏瓜涉不佩雲漢長無津貴賤心反覆難賴金石親
纖纖陵上葛登緣松栢枝榮枯託一身新結為夫妻
房室整衿帶日夜長相思願君早枉駕同車惠前綏

韓海集上卷之六
歲月行無息，燕婉恐失時。園葵含朝露，發華振芳菲。
棄捐聊不顧，焜黃忽已衰。良人恒其德，妾當待來茲。
孤鳥來中林，聊棲千里翼。思君託遺音，天末報消息。
屬耳聽其聲，求匹悲無極。此鳥自屏營，詎與人悽惻。
蒼蒼天上間，戚戚誰哀歎。絲絲河漢流，皦皦暮來見。
牽牛不濡軌，織女常轉盼。當機不成文，投杼揭其淺。
遲遲不能度，招招揮皓腕。
驅馬遵舊都，遙遙聊視顧。但見蒿與萊，行人逐寒兔。
市朝遷若斯，年命忽欲暮。富貴早可求，亦難與時遇。

韜軻一世間，身心常異路。竟以歸山丘，獨珍彼令譽。
東城出雲間，迢迢高星列。飛飈揚塵埃，冥冥蔽明月。
陰陽互推遷，四野正聊慄。寒蟬寂無聲，鳴蟲悲晚節。
中心不能申，慘戚難自歇。宛洛出名謳，蛾眉結玄髮。
芳袖動清風，纖指彈齊瑟。三變極精微，餘音長不絕。
徘徊聽其真，相思情如一。願因鳴鳳翔，比翼入君室。
步出郭北門，行行遵墳丘。鳴鴉無好音，枳棘一何脩。
下有黃泉室，冥冥閉千秋。遙寐何世人，長夜杳悠悠。
寄居天地間，倏忽比蜉蝣。身世臨當乖，絲繩結無由。

聊安先與後賢愚難共留願得不死藥聞名非可求
麗服適吾意酣飲以遨遊

前者日相去後者日相隨登高望丘墓新故一纍纍
松柏鬱成林西摧復東栽地上人遷易冉冉赴山阿
九泉何廣莫萬歲行不歸

處世竟幾何栖栖役此身歸來飲美酒歡娛追所親
心勞身服素愚者相思慕安能待他人時逝不我顧
自非浮立生壽考莫能度

漫漫夜已長蟋蟀踰東壁歲暮居獨房耿耿累終夕

佳人贈瓊瑤聊慰此憂戚舊愛在君情神交夢相覲
遠來垂光儀執手結金石思終顧眄思同室長娛樂
引領起彷徨瞻望復何益泣下沾階庭苦心一相迫
歲暮天氣厲零露凝我廬客子不能寐起瞻夜何如
晨月收清光孤鴈過踟躇故人從遠道寄我尺素書
上有望來歸下有哀離居讀書淚如雨流滅字無餘
君言藏中心會面長相須

故人從遠道貽我白金環迢迢久離別君心欲早還
一環足思我兩環一何憐擘之置刀頭行步常回旋

磁石能引鐵焉得分不連
北風何淒淒吹我游子
淋慘慄抱寒衣展轉知夜長
別離在他縣近亦為憂傷
攝衣中夜起出門履嚴霜
泣涕以徘徊萬里望故鄉

古詩

蘭草生幽谷馥馥自然香
孟冬繁霜下枝葉忽萎黃
束薪摧燒之遺芳墮烟揚
聞者莫不歎君子竊自傷
死而思無益生而安相忘

雜詩

馳馬上崇丘遙望城南陌
狹邪羅長衢高門多第宅
朱輪逐飛塵遊戲日相索
麗服一何華皆言王侯客
本是窮巷兒流宕常落落
一因風雲會飛揚振六翮
歡日已為今戚日已為昔
還顧世間人磊磊何瓦石
桑椹好音生梁肉奢志作
不思輒軻時一事不自適
憂思以自言我命何其薄

賦玉卮彈琴為人壽

玉卮王母女常奏一絃琴
拂絃製妙聲止絃有餘音
六龍乘雲驤四海咸遨遊
玉卮駕白龍挾琴覽九州

高堂啓丹扉，煜燭何粲粲。瓊盤盛甘桃，朱華錯其間。
金杯盈旨酒，殊香紛如蘭。阿母坐西櫺，玉卮降東廂。
一絃爲君彈，五音隨風揚。青雀奄來舞，百禽從翱翔。
此曲和心腸，四坐樂且娛。玉卮承遐紀，延壽千萬餘。
詠史
玩好厭其數，况彼譽譽言。曼倩僮士陸，沉共周旋。
韞光供戲弄，守賤不爲難。逆鱗時有起，一語解龍顏。
中心懷補闕，外面使人歡。終日聞無倦，往往斥心肝。
誰言良藥苦甘美，可以前三冬。其所得能浴百家淵。

獻晉如神化，與道合自然。悠悠常謾世，同列不稱賢。

夢聽美人彈箏

恍惚入金門，徘徊上金堂。不知何氏女，抱箏垂帷荒。
侍御無其側，華燈何煌煌。顧我揚螭首，蛾眉芙蓉妝。
向我開朱唇，交言不相知。秦箏爲我彈，素手弄青絃。
新曲隨手響，流出自肝脾。感念側耳聆，商聲清且悲。
促織在戶壁，求匹中夜啼。秋蟬附庭樹，哀鳴盈東西。
不知君何苦，絲絃生惻惻。此曲畢復彈，三弄無終極。
驚風亂音聲，燈暗阻顏色。忽覺卧空牀，恍惚長相思。

春夜宴

遲日足看花尚恨日西斜
今夕催高宴徧告故交家
人心與面異黃昏叩門至
衆賓入華堂皆賞主人意
月添銀燭來花掩芳餐開
歸鴈停瑤瑟聚星落玉杯
鶯語雖時已弦聲方若此
初筵有容儀半酣舞屢起
曉風醉不寒夜色醒已闌
乘此五更興愈彼十日歡
殘尊猶永慕飛觴又相訴
從者驚天明扶乘回車去

鈴鹿作

悠悠江州路亭亭鈴鹿山
山岑以危險客行在其間

荆榛塞深谷喬木上蔽天
浮雲起我側孤鬼趨我前
遊子多感念行行傷心肝
薄暮言征邁疲瘡不能安
褰裳就下降詰屈從登難
弱泥無所踰弱枝不可攀
况復遭玄夜迷惑立長歎
孝憶彼王陽忠愧彼王尊
慕還故里閭努力凌辛艱

赴洛經琵琶湖至大津作

湖水東北瀾旅客西南行
涉梁絕分派遵渚縈修垣
徐步尋奇絕肆目似洞庭
秋零霽越嶺落暉耀膳城
浮洲渺連綿孤嶼媚中央
亮協夙齡好聊忘離群情

終逢光景，吳鄉里望冥冥。前期辭親戚，計日至洛京。
空弃此幽境，促駕負平生。

壯士篇

操刀被犀甲，朝行政城北。夕暮號天戰，生路安可索。
弃身鋒刃端，野死無所託。烏不食禾黍，人肉爭相食。
援枹擊鳴鼓，干戈紛交錯。取敵欲與汝，失刀難為力。
我馬巖中逃，我命一相薄。天時誠不至，功名無乃得。
身死報國恩，腐肉復何惜。

岳東海先生文稿上篇卷之六

岳東海先生文稿上篇卷之七

三河

岳融子陽著

東都

澤再成季功輯

七言古詩

行路難

君不見月滿多，雲花滿雨夜長畏。寒日長暑西，家蕩
子破家產東隣。富翁守錢虜，宦途欲遂競爭來。抱關
欲老笑不才，一杯銷憂醒又起。朝夕如泥，妻子哀今
我為君，援琴彈請君聽。我行路難，歷山田夫登天位。

無賴親戚苦其意，泗上亭長亦龍飛。匈奴亂邊成其累，人事從來無兩歡。不知何處悠悠地，莫言看他據要津。榮華日茂與心親，春風吹花落無數。多留糞土適繡裯。

觀桃源圖

桃花靈源何處是，曾聞武陵通地理。探勝尋幽殊相求，俗骨由來難至此。好手神精代天工，真水真山毫末起。彈琴鳴瑟響無加，動靜宛然畫圖裡。溪流一帶遶山來，桃林兩邊臨水開。溪流桃林看相過，復見丹

洞微光迴千尺，藤蔓垂垂際欲入。匍匐笑徘徊如出，群峯四面遠村落。縱橫連芳苑，秦時人物晉代天。萬事變更獨安穩，古往今來一途逢。怪余謫仙能得返，爲問隱几白眉翁。悠然不答向春風，春風吹送遲日晚。主人回頭謝坐中，卷綃懷之跡忽迷恍惚。良久思淒淒，太元漁父再遊意。不知還與此心齊。

寄龜大夫哭友卿

君家才子龜友卿，揚烏少小舊知名。出就車中居膝下，從來豉犢是人情。况復經寸明珠色，掌中摩挲望

連城舌澁已誦千萬言弱冠果看老儒生小兒難呼
揚德祖一鷄爭推禰正平青衿後進真堪畏白首先
生愧先鳴豈意塔庭生玉樹忽起蕭條松柏聲更疑
白駒千里足却乘長風過隙征老去大夫無餘子唯
是樽成不徒行終送茫茫萬里外空抱遺草淚縱橫

對酒吟

青雲不能上白日不能留秋風吹暮髮于時尚薄遊
何以忘憂有杜康屢澆壘塊生酒腸近來與此成知
己回頭吾身發疎狂雙眼向人白鵝樽忽自昔昔時

疑長醉今時性長醒看月復看花十千必相賒婦人
之言謹無聽黃金散盡入酒家一富一貧那可道百
年平生唯潦倒陸沉猶難中山眠速營糟丘吾將老
奉贈餐霞公子

八斗奇才七步詩祇看公子那得疑只是今時纔弱
冠莫愁天下人未知白首終期文章伯公子掉頭復
有誰猶加努力策奔馬寸陰欲活無賣者悠悠虛悔
老大時白日忽沈桑榆下

度白猿橋

古時何巨靈狂，擘是高岑削成石壁對。沈沈噴泉群
道爭奔入半澗，含吐不沾得於戲。此幾百萬尋，妄言
六十有六尋。誰波蛟龍窟，能知其淺深。收潺湲聲隱
波流色，幽默冥寞潭心難。測崖畔松籟激，逾閑崖間
日氣曛。猶黑懸蘿爲網，苔爲衣。踐可摧崩，延無力。飛
鳥出徘徊，登頓絕人憶。澗也當途，不曾通。白猿長嘯
仰號碧，落以墮。白虹父老傳如此，今看屬天工。不架
一柱千餘尺，蜿蜒偃卧大虛中。所寄東西雙屏壁，動
搖空谷橫衝風。危哉不可以徑度，先下征鞍立反顧。

吾歸家鄉問老親，寧憚艱險替畝路。一步一膽破，還
張周身之力足。下聚惴惴瞪目聊，回眸欄外咫尺蒸
雲霧。岸翠蒙籠與巖巒，黛連山中少人烟。白晝哀猿
叫其裡，層嵐相和滿。橋邊不堪悲惋，行人語爾焉無
似。白猿爲人訴蒼天，日晚山昏益群呼。上馬驅馳避
前途。

千壽詞

鎌倉宮裡解語花，本生天越長者家。二十無餘名千
壽空，向春風惜容華。朝開明鏡照新妝，夕結重關卧

東坡詩集卷之七
四
獨房寧知平家貴公子身爲楚囚到東方寧知承命
持巾櫛狩氏館中侍蘭湯多時出浴春日桺張緒當
年濯濯光顛顛嬌姿能若此不論死灰已斷腸今夜
暮春過風雨愁裡落花飛無數美人攜琴爲君來主
人攜尊爲君開清歌勸酒杯入手志意沈沈興未催
更唱他生天上樂嫣然傾盡手中杯酒酣鳴弦揮素
腕琴心隨響通雲漢此時乘興弄青絲急調激揚悲
不亂笑言是我釣天音自彈是我廣陵散曲罷流眄
歎傾城邂逅相逢何粲粲願聞請亦開丹唇戲言似

淺情不淺豔聲長謠報君憐含羞桃花紅發面思深
賡歌坡下吟不覺數行淚如霰念君共濕紫羅衣送
君共入紅羅幔無奈明朝死別離燕子樓居心相期
可憐陽臺一夜夢終成美人百年悲

岳子蕩宅觀邊廷輝墨畫山水因賦贈

邊生乘興弄毫素岳子高堂寫幽趣不須丹青臨墨
池雲影淋漓筆端吐濃淡唯省一幅間尺山尺水連
烟霧深黑難測萬尋溪鬱蒼如黛千年樹欹岸懸崖
下冥濛飛波走浪風似度遠峰薄靡遠流空壺公天

地誰疑慮中有樓臺寂無人山中宰相知弃去空宅
欲居情謾起岳子卧遊從此始松吟藻舞絕塵想潺
湲嶙峋清對此羨君避世市朝間能得棲心泉石裡
拔山翻水移座右今時邊生真好手請亦掃却化人
墟玄圃滄洲為我有

滕木卿席上醉卧明日賦贈

一夜遊釣天醒來是醉眠誰今賜與能若此三河木
卿開華筵邀人笑言陳驚座何要歸鞍強留連珍羞
如山酒如海衆賓促杯或流涎不投車轄甚高輿果

然駢首卧尊前定知醉者有真氣昨夢為雜聚星懸

留別

柳花如雪亂青空吳姬拂袖舞春風江城子弟留行
客慙慙盡意酒肆中無那班馬踏落暉上聲急調遠
追飛

扶搖滕公席上賦瓶柳奉呈滕公子

玉瓶挿來揚柳枝華堂壁上挂垂垂長條拂席行欲
覆白花纂纂珠簾裡春風宛轉吹入時忽疑倒瀉瓶
中水來看去者夜將闌何能如此繫歸鞍應願中書

再榮瑞非關離別人縮殘君侯深愛獨不見帳中春色與人看那道唯是一枝春添得恩輝照眼新况復濯濯公子美周旋相映使心親

月下彈琴

秋夜乘月撫瑤琴音絲自發清商音暗霄月宮閑似淺常娥下窺聽琴心爲此揮手更飛指天風吹落銀河水霖雨秋秋怒雷號浮雲一點無空裡澄暉流漫庭樹邊起出峨峨高山連悲猿百群懸木杪振葉鳴條肅霜天寡鷺回唳孤鴻和相君嗚咽添淒然斑竹

幽聲千古怨素影浮處韻潺湲一彈再彈過半夕三彈欲終月欲落玉兔擣藥響西山鷓鴣啼度東方白

鐵音上人豪飲歌

上人七十頗有奇身尚康強心不羈者其豪貴海鷗鳥看他衣冠黃口兒英謀借客才兼氣恨不姚公似遇時若似封侯請酒泉即今無貯半文錢春醪沽取置座右來嘗去嘗醉且眠曾飲王侯倒金罍猶見盛來三深杯一舉傾盡還傾盡王侯懽甚賜杯回更懷酒徒常飛錫子規啼送晴雨夕曳杖下山遊林生林

生開宴竹邊宅清風已好招同人滿堂皆是山陽客
共誇江河變成酒余能鯨吸當却走一逢上人忽
逡巡興酣憂醒便搔首西馳東竄亡坐中屏間不覺
聲吼夢裡如聞上人言普天率土獨自尊歸去但步
山頭月方外醉鄉安足論

巴歌

海內豪雄問平家信陽源氏出戎車怪見姬人在軍
帖將軍寵姬名是巴蛾眉宛轉玉爲顏蟬鬢便娟雲
作鬢寧知傾城去幽閨戰場踐血試刀瘢終騎駿馬

制珠勒英姿颯爽侍君側行行明眸轉盼君驂翮鷹
擊雙飛翼砥波之役一離君別提輕騎捲黃雲歸來
賞賜成辭謝但願恩情長不分嬌面向君柔心起常
恐一朝失所依又愁將軍入京洛驕奢殘賊日紛紛
義師請罪逃無地身委黃泥拜前勲果然東來兵湧
出綠鵝河邊圍將軍鴻門霸上勢天壤尚依北走破
千群到處強敵散如雨誰家健兒力如虎五尺大刀
擊紅妝姬人含笑醫生輔徐延素手取健兒丈夫貴
膏何須數猶看四野暗塵沙猶聽千林振金鼓將軍

倚鞍召姬人言是如此何窮苦即今壯士死軍中死
 女在傍汚我武生死離別共悲傷無奈令汝歸舊府
 聞之垂淚拂還來陳詞嗷歎口漸開君命雖重君恩
 重娥娥絲珠能自裁並承國士閨房寵妾身今日那
 得迴願隨黃泉奉巾櫛共教白骨生春苔忽逢君怒
 承嚴譴長劍空赴歧蘓縣回頭將星墜粟津斷腸轉
 恨女子身恨女子身
 貧士行
 布衣韋帶一男兒宦遊無遂長數奇近時狗監他邑

子貴幸故人托事辭心志辜負人如鼠誰知彩毫任
 鳳池即今但願逢鮑叔為免饑餓聊可欺

貧女行

玉顏螭首遠山眉王侯奇寵不可疑朝夕深井汲寒
 水照影蕭蕭蓬髮垂貧家女兒無膏沐不堪自持獨
 自悲昔時非逢越王飾苧蘿野夫娶西施

春日子蘭見招得其書遲却寄

舊遊當此百花時置酒高堂招相知寄書歸雁翩翩
 去中路却飛其來遲開緘將走到君家九陌逶迤道

里賒老父從來無濟具寒士還是出無車不那徘徊
聽啼鶯嚶嚶求友感交情願贈殘尊一杯酒醉眠夢
裡受逢迎

自悲尋隱者不遇

迥望青山不見家層巒疊嶂鬱嵯峨蒼蒼草樹爲毛
髮蟲蠹苔石作蓮花嵐翠平生落人間吾曹未曾登
此山人言有翁住其際身自無事心自閑散步松風
坐蘿月高卧峰雲漱洞雪青山千秋萬古烟與之膠
漆情如一便思其德更相尋遠下窮谷上高岑漸見

柴門隔溪水一路空盡日已沈

春日獨酌

千條萬條挂垂楊春色悠悠白日長都人士女恣懽
諧日日黃昏樂未央吾曹何事今如此寥寥寂寂繁
華傍百年常開厭書帙三春發興盡詩腸即今何由
消遲日幾眠幾醒望夕陽即今何由吾事是竟把濁
醪玄關裡玄關無客更無歡濁醪如飴更如水不那
一杯復一杯却笑獨酌醉千回

西刀篇

東坡先生集卷之三十一
腰下兩刀是兩龍，神化靈物逐相逢。沈淪爲我深潭水，聊佩寒士寄其蹤。黃金鑲室白金帶，日日摩挲看異容。大刀乃吹白虹蜺，小刀鏗吐青芙蓉。三尺爲雄二尺雌，蜿蜒龍形欲雙飛。霹靂翻電光射眼，斗膽破裂全者誰曾聞。當年赤帝子，奮雄斷割白帝兒。荆卿入秦雖雌，伏意氣凜然千載知。可恨陸離在此腰，未比張家割雞刀。鏞澀苔生亡其質，驟加磨礪慰寂寥。携來置之北斗側，光彩衝天並自高。迺時望氣恐喪明，更向秋風對悲鳴。

香山滕君隱居歌

滕君少小青雲志，三十忽言其適意。方朔金馬彼一時，邴生神武焉求似。捧心稱病辭官長，能脫朱復如脫躡。伏枕赤縣香山廬，青山去天尺五地。東家走馬西家狗，獨閉玄關知奇字。南隣彈弦北隣歌，獨聽蛙鳴當鼓吹。悠悠如斯已十春，猶愁未免人間事。富貴主恩傳子孫，遨遊獨徃代祿位。從此準擬黃泉人，地上紛紛盡損棄。客來談玄去讀騷，無錢長醒有沈醉。不知置身朱門中，真思避地白雲裡。莫道巢由遁堯

都多事強買深山翠軒車高蓋無數過轟轟只驚華
胥睡繁華入眼不入心美好何物能為累請看笑殺
供奉年微功自矜錦袍賜

癸巳春多疫死者代病婦作

武陵城東春風起落花紛紛散城市少婦捧心落花
前丈夫卧病春風裡不向春風惜此身恨殺昨夜別
良人燕子樓中紅淚下望夫山畔白楊新何處春風
無零落誰家死別泣芳辰王侯貴戚真權勢轉日回
天走鬼神終歸永夜三日夢金牀玉几不能親懷此

連牆皆怨恨招魂比屋振衣巾連牆比屋徒號天後
期再會定何年機中織錦重為婦臺上吹簫共成僊
吹簫織錦今何事良人昨夜已長眠朱簾翠帳為誰
張青蛾紅粉為誰妝况復空房身卧病如是春風一
斷腸一朝願隨落花去逐君九原松柏傍

長相思

盧家少婦鬱金堂雖居茅舍願君傍眉目如畫身如
瓠美好到頭驚紅妝况復天下滿佳麗使此多情屢
斷腸卓氏文君善奔士不知酒壚為君當別時金蘭

警難信游蕩三載寄他鄉長相思長相思音書萬行
今何為早置君傍解妾悲

橘妃嘆三首

皇子武東征涉總海螭龍起濤舟且覆妃以
身禱舟得無恙而皇子還度白阪念妃作之
也

妃兮妃兮念爾陟白阪東望總之海濤邪雲邪杳混

妃兮妃兮螭龍負我舟將覆總之海爾是婦人救此

憂

妃兮妃兮獨何不得回永沈總之海嗟七妃者龍與

螭

落梅花歌

春風二月入禁苑無數梅花忽漂散玉女窻中輕素
空栢梁臺下餘芳亂共隨流月拂銀牀獨逐浮烟過
桂殿階前先集半庭霜簾外遙聞五夜香紛出宮墻
何處逝直向人間舞康莊貴戚公孫白雪馬侯家少
婦鬱金堂聊窺蕙帳拂相去還落碧蹄踏所傷壽陽

晝眠思帝女，羅浮春夢憶仙郎。飛來飛去落誰邊。北
里南陌更翩翩。北里瑤戶迷彼此，南陌香車馳後先。
香車瑤戶在何人。含蘭傅粉鬪青春。青春繁華日相
逐，却誇邀客坐花裯。昔時一枝贈千里，今日何事委
灰塵。梅花如此辭春色，少小悠悠終不識。須臾變改
白頭翁，時時聽吹笛。長歎息。

白雲樓新成

人事由來不可知，太平時節獨流離。糊口四方多輟
跡，置身安宅復何時。將家天地來風雨，茅堂到處更

無數。且類神仙好樓居，結構金盡屢窮苦。謾思於我
便，穹廬暫爾欲留人。來語負郭閑閑絕，風塵玩世墻
東真隱淪。當面從臾背面笑，近來知之不信人。底事
囊中餘賜金，一朝忽起卜居心。曳杖出門移步見，意
若有得芝水陰，終破黃金買小樓。牖窻近臨大江流，
茅茨未剪四壁立，叩扉已至舊交游。因解蔽裘沾濁
酒，尊前下物無珍羞。可憐故人不彈劍，却稱無錢能
相求。終日牛飲共沈醉，我又狂心發忘憂。從容披襟
語坐客，頭上蕭蕭鬢已白。那須淹留過餘年，不知轉

遷還今夕坐客媿然答主人請君如斯居泛宅

遠別離

嗚呼悲哉遠別離不遭此悲告不知說著傍人將進
酒潦倒能忘那足悲去國辭家就悠悠關門開閉非
必留絕巖窮途還懸棧洪流無梁復容舟浮雲迴合
異屏壁長風慙慙送行客駐步回首來幾回故園何
處終斷隔雲山雲水杳縣連萬里形勢入青天一望
丈夫腸百轉千莖白髮出鬢邊豈料歸路同來路有
來無歸路空懸蜀魂啼血幽冥裡漢使泣胡十九年

楚囚哀弦越客吟湘君灑淚湘江深殊方異代皆怨
恨休言人面似人心直置滿目他鄉色春花秋月生
悽惻嗚呼悲哉遠別離九州博大何無極

秋風

秋風颯颯吹幽幔繡鸞錦鳳啁啾戰一夜不寐對孤
燈落盡花蕊心緒亂生憎還和掩扇吟牀下蟋蟀添
悲音慙慙使我增愁苦暫向前庭怒霜林木葉辭枝
不再返今時誰是君恩深無那嗚弦來入響秋風哀
於雍門琴

席上放歌贈諸子

一醉興酣擬梁塵放歌病婆是嘖呻老去音響何擁
鼻謝安再生不分真恨彼名妓與書生無知還有此
妙聲滿堂賓客聞一曲百壺春酒好堪傾手中深杯
速酬我醒來吟咏恐少清鳴乎人間行路難笑唱聊
且使君寬

夏日即事

浮雲生扶寸裊裊出遠峰漸翳蒼天半頻為傾雨容
雷聲激激遙空去清風吹落入庭松

岳東秋日東都送千大夫歸取方

登高常作賦今看望故鄉垂楊謾縮干旄外心在蒼
生不能忘軒車更載豐年玉正隨明月出東方大夫
為政真可思驚湖汪汪萬頃陂千乘田畝皆承澤委
巷歌謠盡美詩寫入賜宴鳴琴曲君臣相和坐無為
臺原西北連山趾石屏逶迤七十里寄生細竹添青
烟錦障逡巡自然理情知補天驅石時驅者力盡私
置此當年一供後主壁悲感屏邊來往客

石屏在甲之

春興

昂藏丈夫似英雄，心如荷葉處泥中。但信平昔塞上
 翁，倚伏任天意。自空生涯只是耽彫蟲，趣舍不與世
 人同。百事齟齬老途窮，始知人力還有功。念茲愁坐
 一畝宮，閑花窗外香落風。春風亦入詩腸通，苦吟終
 日恨未工。

岳東海先生文稿上篇卷之七

南老居梅亭書之

